

Nefndasvið Alþingis
Austurstræti 8-10
150 REYKJAVÍK

Alþingi
Erindi nr. P 130/519
komudagur 8.12.2003



3. desember 2003

Efni: Umsögn SVP um frumvarp til laga um vexti og verðtryggingu, 22.mál, verðtryggð útlán.

SVP-Samtök verslunar og þjónustu hafa yfirfarið þetta frumvarp sem er breyting á lögum um vexti og verðtryggingu, nr. 38/2001 og felur í sér bann við hækkun á vöxtum verðtryggðra lána.

Reifun máls

Í greinargerð er ítrekað að frumvarpið geri ráð fyrir því að hægt sé að semja um lækkun vaxta á lánstíma, en lagalegar skorður settar við hækkun vaxtanna. Jafnframt eru færð rök fyrir því að lánveitendur geri óeðlilegar kröfur þegar bæði er krafist verðtryggingar og breytilegra vaxta á lánstíma.

Umsögn

SVP – Samtök verslunar og þjónustu eru þeirrar skoðunar, að vextir og fjármagns-kostnaður sé of hár á Íslandi. Þetta leggur hömlur á atvinnulífið sem samtökin hljóta að leitast við að draga úr. Samtökin telja hins vegar að samningsfrelsi eigi að vera meginregla í viðskiptum um leið og áhersla sé lögð á að leikreglur séu sanngjarnar, skýrar og gagnsæjar. Í þessu ljósi er það niðurstaða samtakanna að verðtrygging sé meginvandamálið á lánsfjármarkaði hér á landi. Hana beri að afnema og með því móti koma á auknu jafnræði lántakenda og lánveitenda auk samræmingar við lánsfjármarkaði nágrannalanda Íslands.

Það er því niðurstaða SVP-Samtaka verslunar og þjónustu með vísan til ofanritaðs, að ekki beri að samþykkja umrætt frumvarp.

Virðingarfyllst,

Sigurður Jónsson framkvæmdastjóri